



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
o davanju saglasnosti za donošenje Odluke o preraspodjeli sredstava planiranih u
Budžetu Grada Sarajeva za 2021. godinu
(Prijedlog)

Predlagač: Gradonačelnica
Obrađivač: Stručna služba
gradonačelnice Grada Sarajeva

Sarajevo, juli 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 59. Zakona o budžetima u Federaciji Bosne i Hercegovine („Službene novine Federacije Bosne i Hercegovine“, br. 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), člana 7. Oduke o izvršavanju Budžeta Grada Sarajeva za 2021. godinu („Službene novine Kantona Sarajevo“, broj 2/21) i člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), Gradsko vijeće Grada Sarajeva na 5. sjednici, održanoj dana 28.07.2021. godine, donijelo je

(Prijedlog)

ODLUKU

1. Ovom odlukom daje se saglasnost gradonačelnici Grada Sarajeva za donošenje Odluke o preraspodjeli sredstava planiranih u Budžetu Grada Sarajeva za 2021. godinu kojom će se sredstva sa pozicije 614300 – Grantovi neprofitnim organizacijama „Dani Isa-beg Ishaković“ u saradnji sa Udruženjem za zaštitu kulturne baštine „Isa-beg Ishaković“ u iznosu od 20.000,00 (dvadesethiljada) KM i iste pozicije – Dani Grada Sarajeva u iznosu od 30.000,00 (tridesethiljada) KM, preraspodijeliti na poziciju 614300 – Grantovi neprofitnim organizacijama – podrška Košarkaškom savezu BiH, u ukupnom iznosu od 50.000,00 (pedesethiljada) KM.
2. Ova odluka stupa na snagu danom donošenja, a objavit će se u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović

Broj:

Sarajevo:

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 59. Zakona o budžetima Federacije Bosne i Hercegovine („Službene novine Federacije Bosne i Hercegovine“, br. 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19) kojim je regulisano da se preraspodjela sredstava na budžetskim stavkama, na zahtjev budžetskog korisnika, može izvršiti najviše do 10% ukupno odobrenih rashoda i izdataka, kao i u članu 7. Odluke o izvršavanju Budžeta Grada Sarajeva za 2021. godinu („Službene novine Kantona Sarajevo“, broj 2/21) koji propisuje da preraspodjela sredstava ne može biti veća od 10% ukupno odobrenih rashoda i prihoda.

Pravni osnov sadržan je i u članu 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) kojim je propisano da Gradsko vijeće donosi odluke, druge propise i opće akte i daje njihovo tumačenje.

RAZLOZI ZA DONOŠENJE I HITNOST U POSTUPANJU

Košarkaški savez Bosne i Hercegovine i bh. košarka uopće, zapaženim rezultatima i uspjesima koje postiže svojim nastupima i igrom na Evropskim i drugim prvenstvima, uzdiže bh. sport na jedan zapažen nivo. Jedan od posljednjih uspjeha je onaj koji su zabilježile naše košarkašice osvojivši peto mjesto na Eurobasketu, čime su ovu državu i njene građane učinile i više nego ponosnim, a ovim plasmanom osigurale su nastup na kvalifikacionom turniru za Svjetsko prvenstvo koji će se igrati u februaru 2022. godine.

Obzirom na naprijed navedeno, neupitna je potreba za podrškom koja se treba dati i na taj način poduprijeti trud i zalaganje koje je kod ovih sportista prisutno, pri tome naročito cijeneći okolnost da će vrlo brzo uslijediti priprema BH ženske košarkaške reprezentacije za učešće na Svjetskom prvenstvu.

Pošto u Budžetu Grada Sarajeva nisu planirana sredstva za podršku Košarkaškom savezu BiH te da Izmjene i dopune Budžeta Grada Sarajeva – Rebalans Budžeta Grada Sarajeva još uvijek nije bio predmetom razmatranja i odlučivanja na sjednici Gradskog vijeća to su, ako se uzmu u obzir razlozi donošenja, ispunjeni uslovi za hitnost u postupanju u donošenju ovog akta, a sve shodno članu 127. Poslovnika Gradskog vijeća Grada Sarajeva („Službene novine Kantona Sarajevo“, br. 28/09, 11/20 i 19/20).

Predmetna Odluka se upućuje Gradskom vijeću na razmatranje i usvajanje prevashodno iz razloga što se u konkretnom slučaju radi o iznosu sredstava od 50.000,00 KM, a sa čijom preraspodjelom Gradsko vijeće prethodno treba biti saglasno.

FINANSIJSKA SREDSTVA

Finasijska sredstva za realizaciju ove Odluke obezbijedit će se u Budžetu Grada Sarajeva za 2021. godinu, preraspodjelom sredstava na način kako je predložena.